
Ҳунармандлар марказида “Хон атлас” фестивали доирасида маънавий-маърифий тадбир ташкил этилди

Камалак рангларида товланувчи атлас ва адрас сингари миллий матолар ҳақида гап кетганда, киши кўз ўнгида беихтиёр кўҳна ва навқирон Марғилон шаҳри гавдаланади.

Бугун шаҳримиздаги Ҳунармандлар марказида “Хон атлас” фестивали доирасида ташкил этилган тадбирда ҳам кўрган кўзни қувнатувчи миллий матолардан яралган либослар намоиши ўтказилди.

Либосларимизда халқимизнинг асрларга туташ бўлган ўтмиши, урф-одати ва анъаналари, диди, ўзига хос хусусиятлари мужассамлигини намоиш этиш мақсадда ташкил этилган тадбирда вилоят Оқила аёллар ҳаракати аъзоси, Д.Ғофурова, шаҳар ҳокими ўринбосари Г.Жўрабоевалар иштирок этиб, миллий матоларнинг яралиш тарихи, ўзбек миллий либосларига меҳр уйғотиш ва оммалаштириш, замонавий услубда кийинишда ўзбекона шарм-ҳаё меъёрларини тарғиб қилиш юзасидан ўз фикр ва мулоҳазаларини билдиришди.

Бир-биридан зебо дилбар ва лобар қизлар эгнида ял-ял ёнган либослар тадбирга янада ёрқинлик улашди.

2023-09-28 18:56:52